



Inatsisartunut ilaasortaq,  
Karl Tobiassen,  
Siumut  
Maani/

## **Aqutsiveqarfik 47 pillugu § 37 naapertorlugu apeqqummut nr. 54-mut akissut**

Inatsisartut suleriaasianni § 37, imm. 1 naapertorlugu aqutsiveqarfik 47 pillugu Naalakkersuisunut apeqquteqarputit. Uanga suliassaqarfinnut apeqqut akineqartussanngorlugu innersuunneqarpoq.

Ulloq: 11-03-2022  
Suliap normua: 2022 - 5762  
All. nr. 19423717

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

### **1. Naalakkersuisut qaleralinniarnermi aqutsiveqarfinnik 47-mik marloriarlutik pif-fissap sivikitsup ingerlanerani allannguisaarnerminni kikkut tusarniaaffigineqarnikuuppat?**

#### **a. Tusarniaasoqarsimappat tusarniutigineqartoq akissutigineqartullu sumi qaqugulu takuneqarsinnaalissappat?**

**1-mut)** Aalisarneq pillugu Siunnersuisoqatigiit tusarniaaffigineqarsimapput. Tusarniaarnermut akissutisiat nassiunneqarsinnaapput, tamanna kissaatigineqarpat.

### **2. Allannguisaarnerit kingunerinik Nalunaarutit suut atuuttussanngortinneqarnikuuppat?**

**2-mut)** Aalisarneq pillugu inatsisartut inatsisaat nr. 18, 31. oktober 1996-imeersumi § 5, naapertorlugu Kalaallit Nunaata aalisarnikkut oqartussaaffigisaani aalisagaqatigiinnut TAC-nik Naalakkersuisut aalajangiisarput. Taamaattumik nalunaarutinik allanngortiterisoqarnikuunngilaq.

### **3. SIK, Kattuffiit, Tunitsiviit aalisartullu aalisakkat pisassiissutit ukiumut qanoq aalisarneqarnissaat Nalunaarusiorfigissallugu Naalakkersuisut sinnerlugit pisussaaffeqarpat?**

**3-mut)** Naalakkersuisut, Aalisarnermut inatsimmi § 5 naapertorlugu, TAC aamma pisassiissutit pillugit Inatsisartunuinnaq nalunaarutiginnissallutik akisussaaffeqarput. Inatsisartunut TAC pisassiissutillu pillugit nassuiaat apn.gl-mi tamanit pissarsiarineqarsinnaavoq, taamaattumillu tamanit pissarsiarineqarsinnaalluni.

Kisianni KANUAANA-p ukununnga KNAPK-mut, Royal Greenlandimut, Greenland Halibutimut, Polar Seafoodimut, Arctic Prime Fisheriesimut, Ilulissat Fisherymut, Avannaa Fisheriesimut, il. il. kiisalu kommunini inuussutissarsiutinut siunnersortinut arlalinnut sapaatip akunnikkaartumik pisassiissutit qaqinneqartut nassiuttarpari. Kikkulluunniit tassannga nassinneqarusuttut KANUAANA-mut saaffiginnissinnaapput, kisianni malugineqassaaq, [www.gflk.gl](http://www.gflk.gl)-mi tamanut saqqummiunneqartarmat, taamaalilluni kikkunnit tamanit pissarsiarineqarsinnaavoq.

### **4. Naalakkersuisut taamatut innersuussinermi pineqartut aaqquissuissaminnik malitassaannik aaliangersagaliornikuuppat?**

#### **a. Taamaattoqarsimappallu sumi qaqugulu nassaarisinnaavavut?**

**4-mut)** Sinerissap qanittuani qaleralinniarneq pillugu nalunaarut nr. 46, 14. december 2020-imeersoq naapertorlugu Upernavimmi, Uummannami Qeqertarsuullu Tunuani umiatsiaararsortunut angallatinullu najoqqutassatut aalajangersagaq 2012-mili atuuttoq naapertorlugu pisassiissutit immikkoortinneqartarput. Nalunaarut lovgivning.gl-miippoq.

Aqutsiveqarfinni umiatsiaararsorlutik aalisartunut pisassiissutit agguataarnerat qaammatit pingasukkaarlugit tusagassiutinut saqqummiunneqartarpoq 16.02.2022-meersumi tamanut saqqummiullugu nalunaarutigineqarpoq, saniatigullu pisassiissutinut qaqqin-neqartunut takussutissiaq [www.gflk.gl](http://www.gflk.gl)-mi takuneqarsinnaavoq.

**5. Qaammatit pingasukkaarlugit qaleralittassat pisassiissutigineqartalerneranni allaffissornermi aningaasanik qanoq annertutigisunik sipaaruteqarnissartik Naalackersuisut naatsorsuutigaa?**

**5-mut)** Pisassiissutinik qaammammiit qaammammut nuussinerit tamaasa Naalackersuisunut isummernissamut tunngavissianik suliaqartarunnaarnermut atatillugu akunnerit suliffiusut ilai sipaarneqarsinnaassasut ingerlatsiviup naatsorsuutigaa. Tassunga taaneqartumut aningaasat amerlassusaat eqqortumik naatsorsorneqarsinnaanngillat.

Erseqqissaassutigineqassaaq, pisassiissutinik qaammatit pisukkaarlugit atuutilersitsinik-kut pisassiissutit ikilisinneqanngimmata, kisiannili pisassiissutit qaammatinut pingasunut atorussanngorlugit qaammatinut pingasunut katiterneqarmata. Pisassiissutit tamakkerlugit aalisarneqanngippata qaammatinut pingasunut tullernut nuunneqassapput. Tamatuma kinngunerissavaa, qaammammiit qaammammut pisassiissutinik nuussiuarnerup pisariaarunnera.

**6. Naalackersuisut qaleralittassat aqutsiveqarfinni nungunneqarnissaat ilimanarsippat TAC p qaavatigut kulturikkut pisassiissutinik taaguuserlugit ilasisarnissartik siunertarivaat?**

**a. Taamaattoqassappallu iliusissat periusissallu suut malittaralugit pisassiisoqartassava?**

**b. Periuseq tamanna atuutsinneqalissappat allaffissornermut qanoq sunniuteqassava?**

**6-mut)** Siunertaanngilaq, kulturikkut pisassiissutinik taaguut atorlugu Naalackersuisut suliaqanngillat, aamma TAC ataaseq aalisarnermik assigiinngutsunik ingerlanneqartoq aalajangersartarpaat Aalisarnermut inatsimmi § 5 naapertorlugu.

**7. Ukiuni kingullerni tallimani sinerissap qanittuani qaleralittassat ilaannik Naalackersuisut avataani pisassiissutinut nuussisarnikuuppat?**

**a. Ukiunilu taakkunani tons qanoq annertutigisut sinerissap qanittuani aalisarnermi avataanut nuunneqarnikuuppat?**

**7-mut)** Naamik, taamaattoqanngissaannarpoq.


**8. Avataanut pisassanik nuussisoqartarsimappat aalisartut niuffatigalugit pisassaannut ukiut tallimat iluanni qanoq sunniuteqarnikuuppat?**

**8-mut)** Qulaani akissut takuuk.

**9. Kvtellit pisassaatininnik qanoq appaaffigineqarnikuuppat?**

**9-mut)** Aqutsiveqarfik 47-mut pisassiissutinik, pisassiissutinit 2021-mut aallarniutaasumik pisassiissutinit 2.912 tonsiusunik qaffasinnerusunik, Naalackersuisut 2022-mi aalajangersaapput. Tassalu pisassiissutaatiminnik appaaffigittoqanngilaq.

Inussiarnersumik inuulluagqusillunga



Aqqaluq B. Egede

Aalisarnermut Piniarnermullu Naalackersuisoq